

Stručna komisija završila Nacrt zakona o obavještajnoj službi

Predsjedavajući stručne komisije za reformu obavještajnih službi, Kalman Kocsis je u petak visokom predstavniku Paddy Ashdownu predočio Nacrt zakona o obavještajno-sigurnosnoj Agenciji.

Komisija, koju je 29. maja osnovao visoki predstavnik i čiji je zadatak bio da do 1. augusta uradi nacrt zakona, je posljednja dva mjeseca provela u utvrđivanju pravnog osnova za uspostavu jedinstvene obavještajne strukture u Bosni i Hercegovini u skladu sa demokratskim principima i praksom koja se primjenjuje u drugim zemljama Evrope.

“Komisija je dala veliki doprinos zakonskom projektu od kojeg će građani Bosne i Hercegovine imati stvarnu korist”, rekao je visoki predstavnik. “Naš cilj je da uspostavimo jedinstvenu obavještajnu službu u Bosni i Hercegovini koja će biti efikasna i apolitična. U Bosni i Hercegovini, kao evropskoj državi, nema mjesta diskreditiranom i ispolitiziranom obavještajnom sistemu iz prošlosti, a zakon koji je prezentiran Parlamentu mora osigurati da građani ove zemlje više nikada ne žive u strahu od svoje obavještajne službe.”

“Naporno smo radili da bismo izradili zakon koji je u skladu sa najvišim evropskim standardima, ali koji omogućava Agenciji da se posveti borbi protiv terorizma, organiziranog kriminala i drugih prijetnji za državu i region”, rekao je ambasador Kocsis.

Visoki predstavnik će razmotriti nacrt zakona prije nego što ga dostavi međunarodnim stručnjacima na daljnje razmatranje. Visoki predstavnik je zamolio ambasadora Kocsisa da ponovo

sazove Komisiju u septembru u cilju razmatranja eventualnih prijedloga za izmjene i dopune.